



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-3-40-039-3/22**

Datum: **29.04.2022. godine**

Agencija za vodno područje rijeke Save» Sarajevo rješavajući po zahtjevu pravnog lica „G-PETROL“ d.o.o. Sarajevo za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije benzinske stanice i autopraonice - Tuzla 3, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu „G-PETROL“ d.o.o. Sarajevo, daje se vodna dozvola za ispuštanje oborinskih onečišćenih voda i tehnoloških otpadnih voda sa lokacije benzinske stanice i autopraonice - Tuzla 3, izgrađene u ulici Bulevar 2. Korpusa Armije BiH bb, Tuzla, na zemljištu označenom kao k.č. broj: 1290/6, 1295/9 i 1295/13 K.O. Tuzla III, Tuzla.
2. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 2.1. Da se upotreba i korištenje predmetnog objekta vrši u skladu sa urađenom Investiciono tehničkom dokumentacijom, koja je služila kao podloga za davanje ove vodne dozvole.
 - 2.2. Da se skladištenje nafte i naftnih derivata vrši u podzemnim čeličnim dvoplašnim spremnicima ukupne zapremine $V=160\text{m}^3$ sa pripadajućim armaturama za rukovanje, praćenje i sigurnost rada.
 - 2.3. Korisnik poslovnog objekta za sve vrijeme trajanja ove vodne dozvole treba obezbjediti da se oborinske onečišćene vode sa lokacije predmetne benzinske stanice i tehnološke otpadne vode iz autopraonice motornih vozila nesmetano sakupljaju putem slivnika te internom kanalizacionom mrežom odvede do ugrađenih separatora ulja i naftnih derivata, a zatim upuštaju u javni kanalizacioni sistem.
 - 2.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 2.5. Prečišćene oborinske onečišćene i tehnološke vode moraju ostati u maksimalno dopuštenim granicama definiranim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.6. Objekte čija je svrha odvođenje i prečišćavanje oborinskih onečišćenih i tehnoloških otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring (na tri separatora: ulaz i izlaz sa benzinske stanice i separator autopraonice) u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 2.8. U toku važenja ovog Rješenja, korisnik predmetnog objekata je obavezan poduzeti sve potrebne mjere kako bi kvalitet oborinskih onečišćenih i tehnoloških otpadnih voda, a prije ispuštanja u recipijent, zadovoljio granične vrijednosti emisije definisane u prilogu 1., tabela 1.1. kolona 3. Uredbe o uslovima ispuštanja otpadnih voda u okoliš i sisteme javne kanalizacije.
- 2.9. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode). Nastali otpad na predmetnoj lokaciji prikupljati i privremeno odlagati u skladu sa važećim propisima o postupanju sa otpadom, a za zbrinjavanje istog vršiti putem ovlaštene firme za tu vrstu djelatnosti.
- 2.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 2.11. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – tačke 13. i 22. Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima u sklopu predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor je dužan da podnese zahtjev za izdavanje nove vodne dozvole.
11. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „G-PETROL“ d.o.o. Sarajevo, dana 02.02.2022. godine, podnijelo je zahtjev ovoj Agenciji za izdavanje vodne dozvole za ispuštanje oborinskih onečišćenih voda i tehnoloških otpadnih voda sa lokacije benzinske stanice sa autopraonicom - Tuzla 3, izgrađene u ulici Bulevar 2. Korpusa Armije BiH bb, Tuzla, na zemljištu označenom kao k.č. broj: 1290/6, 1295/9 i 1295/13 K.O. Tuzla III, Tuzla.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjereni kopiji Rješenja o izmjenama podataka u sudskom registru broj: 065-0-Reg-21-005008 od 19.01.2022. godine izdat od Općinskog suda u Sarajevu;
- Ovjereni kopiji Uvjerjenja o poreznoj registraciji, za G-Petrol d.o.o. Sarajevo, donesenog od strane Porezne uprave — Kantonalni ured Sarajevo, 27.01.2014. godine;
- Ovjereni kopiji Uvjerjenja o poreznoj registraciji, za G-Petrol d.o.o. Sarajevo – poslovna jedinica Tuzla 3, donesenog od strane Porezne uprave — Kantonalni ured Sarajevo, 07.07.2014. godine;
- Dokaz o uplaćenju upravnoj taksi u iznosu 70,00KM;
- Kopija ugovora o periodičnom crpljenju i čišćenju separatora ulja i masti i septičkih jama na benzinskim stanicama G-Petrol, sklopljenog 2021. godine sa Delta Petrol d.o.o. Kakanj;
- Punomoć broj: NBO100000/IN-PU/2/2022 od 28.01.2022. godine za Muju Muratovića;
- Kopija rješenja o urbanističkoj saglasnosti broj: 06-23-3298-2005-MA od 10.08.2005. godine, izdato od Službe za prostorno uređenje i zaštitu okoline, općina Tuzla;
- Kopija Rješenja o odobrenju za građenje broj: 06-23-4322-2005-MA od 05.10.2005. godina izdato od Službe za prostorno uređenje i zaštitu okoline, općina Tuzla;
- Kopija Rješenja o okolinskoj dozvoli broj: 12/1-19-007968/21 od 13.04.2021. godine izdata od Ministarstva prostornog uređenja i zaštite okolice, Tuzlanski kanton;
- Kopija Rješenja o vodnoj dozvoli broj: UP-I/25-3-40-071-3/17 od 17.03.2017. godine izdato od Agencije za vodno područje rijeke Save, Sarajevo;
- Kopija Rješenja o vodnoj dozvoli broj: 04/1-11-21-39698/20 od 05.02.2021. godine izdato od Ministarstva poljoprivrede, šumarstva i vodoprivrede, Tuzlanskog kantona;
- Kopija izvještaja o monitoringu kvaliteta i kvantiteta otpadnih voda benzinske pumpe i autopraonice, novembar 2021. godine, urađen od strane „Inspekt - RGH“ d.o.o. Sarajevo;
- Kopija izvještaja o monitoringu kvaliteta i kvantiteta otpadnih voda iz svih objekata u vlasništvu G-Petrol d.o.o. Sarajevo, januar 2022. godine, urađen od strane „Inspekt - RGH“ d.o.o. Sarajevo;
- Kopija zapisnika o radovima na čišćenju separatora ulja i naftnih derivata, benzinska stanica Tuzla 3, broj: 03-04/22 od 06.04.2022. godine, Delta Petrol d.o.o. Kakanj;
- Kopija zapisnika o radovima na čišćenju separatora ulja i naftnih derivata, autopraonica, broj: 02-04/22 od 06.04.2022. godine, Delta Petrol d.o.o. Kakanj;
- Kopija radnog naloga br. 06-04/22 o čišćenju šahtova, kanalice, slivnika i propiranja odvodnih cijevi na BS Tuzla 3, Delta Petrol d.o.o. Kakanj.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-039-2/22 od 01.04.2022. godine.

Benzinska stanica sa autopraonicom, izgrađena je u ulici Bulevar 2. Korpusa Armije BiH bb, Tuzla, na zemljištu označenom kao k.č. broj: 1290/6, 1295/9 i 1295/13 K.O. Tuzla III, Tuzla.

Otpadne vode koje se javljaju na predmetnom lokalitetu su oborinske onečišćene vode i tehnološke otpadne vode iz automatske autopraonice motornih vozila. Prikupljanje tehnoloških otpadnih voda iz autopraonice se vrši putem slivnika sa taložnikom iz kojeg se kanalizacionim cijevima voda odvodi do tipskog separatora ulja i naftnih derivata smještenog desno od izlaza iz autopraonice. Oborinske onečišćene vode sa manipulativnog platoa i istakališta benzinske stanice se prikupljaju linijskim slivnicima sa rešetkom te odvođe do separatora smještenog u centralnom dijelu parcele benzinske stanice, a zatim prečišćene upuštaju u javni kanalizacioni sistem.

Skladištenje nafte i naftnih derivata se vrši u dvoplašnim čeličnim podzemnim rezervoarima ukupne zapremine $V = 160 \text{ m}^3$, spremnikom lož ulja od 3 m^3 - za potrebe kotlovnice i spremnika za TNP od 30 m^3 .

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama, odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije i odredbama člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata, konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih i tehnoloških otpadnih voda, te je riješeno kao u dispozitivu ovog rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-043-2/22 od 14.04.2022. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka
Nihad Pezo, dipl.inž.građ.

Prilog: Izvedbeni projekat, hidroinstalacije, vodovod i kanalizacija, KNJIGA 5, urađen od strane Euroing 4D d.o.o. Bihać.

Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- „G_PETROL“ d.o.o. Sarajevo, Marka Marulića 2, Sarajevo (Prilog)
- ⊖ AVP Sava, ISV – Vodna knjiga
- Sektor 50
- Sektor 40, arhiva
- AVP Sava - Oglasna ploča